

## Novae Cicindelidarum species ex coll. „Rothschild“.

Auctore

Dr. med. *Walther Horn*.

*Collyris orichalcina*. *Coll. tuberculatae* M. L. *affinis*: labro longiore; thorace brevior, margine antico acutius reflexo, sulco marginali in apice ipso insculpto, ante basim profundius constricto, tota parte intermedia fere conica (antice vix constricta), lateribus paullo rotundatis (angulo nullo!); elytris multo subtilius — sed eodem modo — sculptis, punctis in disco anteriore (scutellum versus) rarioribus, fusco aureo-cupreis, splendentibus: parte anteriore discoidali interdum nigrescente; palporum labialium fulcro flavo-rufo, trochanteribus posticis nigris. — Long.  $12\frac{3}{4}$ — $15\frac{1}{2}$  mill.

♀♂. Naga Hills, N-Manipur, Punjab (typus ♂ in coll. Rothschild; specim. alt. in eadem collectione et in mea).

Labro sat longo, antice leviter rotundato; capite anguste sed profunde excavato, excavatione postice profundiore; vertice antice gibboso, pone oculos sat rotundato; oculis prominulis; thorace supra fere glabro, levissime hinc inde transversim striolato, punctis 2—3 lateraliter insculptis, antice paullulum gibboso; elytris fere parallelis, vix ante apicem dilatatis, humeris fere rectangularibus, apice singulo rotundato-truncato, angulo externo in utroque sexu sat distincto (in ♂ acutiore); punctis in tertia parte antica sat raris, in medio intricato-rugosis, postice densis; antennarum articulis 5 primis cyaneis (3.—5. apicem versus plus minusve rufis), 6.—11. fuscis, palpis (labiorum fulcro excepto) trochanteribusque nigro-cyaneis, femoribus rufis, tibiis tarsisque 4 primis cyaneis, posticis illis apice, his fere totis testaceis.

*Collyris aureofusca* Bat. var. *rugosior*. Differt a typo elytrorum colore viridi-coerulescente, capite thoraceque cyaneis. — Long. 12 mill.

♂. Kiukiang (Pratt., VI, 1887); typus in coll. Rothschild; specim. alt. in eadem coll., alterum in mea.

Labro brevi, rotundato; capite triangulari, fronte anguste excavata, excavatione postice sat prolongata; vertice parum gibboso, partibus orbitalibus totoque dimidio postico capitis strigoso-rugosis; thorace angusto, conico, lateribus rectis, tota superficie profunde sat dense transversim strigosa; elytrorum sculptura subtili densaque, punctis prope apicem rarioribus, in medio interdum paullulum in-

*tricatis; pedibus fulvo testaceis plus minusve obscuris, femoribus posticis (basi fulva excepta) nigro-piceis, palpis fulvescentibus, trochanteribus rufis; metathoracis lateribus impunctatis; pro- et mesothoracis episternis punctatis.*

*Fortasse forma intermedia inter coll. formosanam Bat. et aureofuscam Bat.!*

*Therates Rothschildi. Th. festivo affinis, differt elytris crebrius profundiusque punctatis, meso- et metathorace totis plus minusve nigris, abdominis segmentorum disco infuscato, basi elytrorum angustius flava, puncto discoidali rotundato eiusdem coloris fere in medio disco collocato. — Long. 7—9 mill.*

♀♂. Humboldt-Bay: Nov. Guinea (Doherty, IX—X, 1893); typus in coll. Rothschild (specim. alt. in eadem coll. et in mea).

*Labro longo, flavo, basi (praesertim parte media) infuscata; oculis prominulis, partum orbitalium basi postice longitudinaliter striolata; thorace antice posticeque profunde constricto, parte media globosa; elytris fere aequalibus: parte juxta scutellum sita levissime tumidula, ante apicem impressione sat profunde insculpta; macula basali flava sat rare leviterque punctata, sculptura postea valde crebriore profundioreque, punctis in parte media sensim minoribus, ante apicem fere evanescentibus; elytris postice sinuato-truncatis, angulo externo suturalique dentatis; capite thoraceque viridi-violeaceis, elytris (partibus flavis exceptis) plus minusve cyaneis, palpis pedibusque maxima ex parte flavis.*

*In speciminibus quibusdam macula flava discoidalis majorem elytrorum partem occupat, angulum humeralem versus (lateraliter) ascendit, maculam basalem attingit.*

*Therates Latreillei* Thms. var. *brevispinosa*. *Differt a typo spina suturali aliquanto breviora. — Long. 11¼ mill.*

2 ♂. Sangir; typus in coll. Rothschild, specim. alt. in mea.

*Varietas describendi digna mihi esse videtur, quod forma intermedia est inter Ther. Latreillei Thms. et Ther. fasciatum Fabr., species fortasse reuniendas.*

*Cicindela (Thopeutica) simulatrix. Cic. conspicuae Schm. simillima, differt magnitudine minore, forma graciliore; antennis pedibusque multo magis tenuibus paulloque longioribus; labro (antice recte truncato) 3-dentato; oculis valde prominentibus; thorace apicem versus aliquanto angustato multo graciliore, lateribus rectoribus; elytrorum apice minus retracto, spina suturali multo breviora, palporum maxillarium articulo penultimo flavo; penis apice simplici, nec curvato. — Long. 12 mill.*

1 ♀♂. Ins. Philipp.; typus in coll. Rothschild, specim. alt. in mea.

*Maxillis superioribus longissimis; labro brevi, obscure viridi, interdum fere nigrescente; fronte inter oculos longitudinaliter striolata (spatio mediano longitudinali indistincte sculpto); elytris sat parallelis, margine postico serrato, maculis 6 albis ornatis: humerali et apicali (in anguli producti apice sita), posthumerali et antapicali a margine paullo remotis, marginali (media) et centrali (in disco posteriore collocata); palpis sat longis, flavis, articulo ultimo viridi; pectore lateraliter parce hirsuto, abdomine toto punctato-piloso; trochanteribus rufis; capite, thorace, toto corpore inferiore, pedibus viridibus, hinc inde cyaneis; elytris olivaceo-obscuris, interdum fere nigrescentibus; ♀ plaga splendidissima in anteriore disco ornata.*

*Cicindela (Thopeutica) intermedia* m. var. *paupera*. Differt a typo thorace minus globoso, supra toto plus minusve rugoso; capite prothorace, scutello, elytrorum basi obscure-viridi-aeneis vel aeneo-virescentibus. — Long. 9—11 mill.

♀♂. Luçon bor. (Whitehead); typus in coll. Rothschild, specim. alt. in eadem collectione et in mea.

*Cicindela suavis. Cic. intermedae* m. var. *pauperi* m. similis, differt oculis paullo minus prominulis; fronte planiore, evidentius longitudinaliter striolata; thorace rugosiore, planiore, paullo brevior, sulco antico transverso (praesertim lateraliter) minus profundo; elytrorum apice minus rotundato, speculo parvo viridescenti in anteriore disco collocato; capite, thorace, elytrorum basi, scutello cyaneis aut coerulescentibus, opacis; femorum posticorum basi rufo-flava. — Long. 8½ mill.

2 ♀. Albay (Luçon merid.: Whitehead 94); typus in coll. Rothschild, specim. alt. in mea.

*Labro brevi, transverso, indistincte dentato, toto viridi; capite et thorace leviter sed dense rugosis, partibus orbitalibus longitudinaliter striolatis; oculis prominulis; thorace fere quadrato, lateribus paullo rotundatis, postice magis quam antice constricto, sulco longitudinali mediano deficiente, marginibus lateralibus parce pilosis; elytris sat elongatis, ante medium perparum dilatatis, apice singulo fere recte truncato, punctis 6 albis: humerali et posthumerali, apicali triangulari et antapicali, marginali medio et discoidali (perparum post medium sito) ornatis; prothorace subtus perparum, meso-, meta-thorace abdomineque toto pilis hirsutis; capite thoraceque cyaneis (supra opacis, subtus nitidis), abdomine et scutello viridi-coerulescentibus, elytris (basi excepta) atris, palpis (articulis ultimis viridibus)*

*flavis, trochanteribus rufis, pedibus antennisque viridi-coerulescentibus.*

*Cicindela Rothschildi. Cic. nanae Schm. affinis, differt labro longiore, in medio prolongato; thoracis strangulationibus antica posticaque multo minus profundis, ut latera rectissima videantur; elytris gibbosioribus, postice levioribus; pro- et metathorace minime pilosis; primo antennarum articulo femoribusque totis flavis, tibiis interdum basim versus infuscatis. (Elytrorum signatura valde variat, interdum puncta omnia alba desunt.) — Long.  $5\frac{1}{4}$ — $6\frac{1}{4}$  mill.*

♀♂. Luçon bor. (Whitehead 94); typus in coll. Rothschild; specim. alt. in eadem collectione et in mea.

*Parva; labro viridi, plerumque in medio antico infuscato, unidentato; oculis valde prominulis, partibus orbitalibus levissime striolatis, vertice cum thorace subtilissime rugosis, huius impressionibus (antica posticaque) parum profundis, linea longitudinali subtilissima; elytris sat brevibus, antice profunde punctatis, postice laevigatis, apicibus plus minusve rotundatis; signatura flava valde variat: interdum tota deest, interdum punctum posthumerales antapicaleque et stria transversa a marginis medio usque ad discum ducta apparent, interdum maculae quaedam plus minusve oblitteratae sunt; toto pectore abdominisque basi nudis, huius apice discoque parce hirsutis; palpis trochanteribusque flavis, tibiarum maxima parte, tarsis, antennarum articulis 2.—11. nigris; colore supra aut viridi aut viridi-aeneo (interdum paullulum obscurato), elytrorum marginibus, capite, pectore cyaneis; abdomine nigrescente.*

*Cicindela Boisduvali. Cic. barbatae m. simillima; labro multo longiore, in medio valde prolongato; elytris plagis umbiliformibus versicoloribus crebrius ornatis, ♀ vitta perparum nitida in disco anteriore (inter suturam et lunulae humeralis apicem inferiorem sita) affecta, hamulo obliquo a linea media marginali exeunte multo brevior; primis palporum maxillarium articulis plus minusve piceo-nigris; capitis malis minus hirsutis. — Long.  $8\frac{1}{2}$ — $9\frac{1}{2}$  mill.*

♀♂. Humboldt-Bay: Nov. Guinea (Doherty: IX—X, 93); typus in coll. Rothschild; specim. alt. in eadem coll. et in mea.

*Labro unidentato, flavo, margine denteque nigris, parte mediana antica in ♂ satis, in ♀ valde producta; capite inter oculos subtiliter striolato; thoracis lateribus rotundatis, pilosis; elytris fusco-aeneis, lateribus dilutioribus, disco velutino: lunula humerali, stria marginali media antice lineam obliquam brevem intus emittente, macula triangulari ante apicem, puncto rotundo (a margine remoto) inter hanc et inferiorem striae marginalis apicem sito, albis; inferioribus corporis lateribus parce hirsutis, abdominis disco nudo; palpis labialibus flavis; trochanteribus nigris.*